



ИҚТИСОДИЁТ
ВА
ТАЪЛИМ

4

2020

МУНДАРИЖА

ИҚТИСОДИЁТ ВА ТАЪЛИМ

Эргашева Ш.Т.	Молиявий ҳисоботнинг халқаро стандартларининг ривожланиш босқичлари.....	136
<p>САНОАТ ИҚТИСОДИЁТИ ЭКОНОМИКА ПРОМЫШЛЕННОСТИ</p>		
Сариев Қ.Р.	Худудларнинг саноат тармоғидаги тузилмавий - таркибий ўзгаришларни статистик баҳолаш.....	143
Султонов М.М. Акбаров М.И.	Автосаноат корхоналари бошқарув стратегиясини оптималлаштириш. Транспорт хизматларига мавжуд талабни бошқаришда маркетинг тадқиқотларининг аҳамияти.....	148
Сауханов Ж.К.	Ййловлардан унумли фойдаланган ҳолда гўшт етиштириш самарадорлигини эконометрик баҳолаш.....	152
Nazarova R.R., Tuychiev K.L.	Modernization of car sales via internet sales.....	156
<p>ИЖТИМОЙ ҲИМОЯ СОЦИАЛЬНАЯ ЗАЩИТА</p>		
Зулунова Ф.А.	Социальная защита работников организаций Республики Узбекистан в период пандемии коронавируса.....	165
<p>КИЧИК БИЗНЕС ВА ХУСУСИЙ ТАДБИРКОРЛИК МАЛОЙ БИЗНЕС И ЧАСТНОЕ ПРЕДПРИНИМАТЕЛЬСТВО</p>		
Тошпўлатов Д.Ш., Тошпўлатов А.Ш.	Кичик бизнес ва тадбиркорлик субъектларида харажатларни бошқариш механизмини такомиллаштириш.....	168
<p>МЕХНАТ БОЗОРИ РЫНОК ТРУДА</p>		
Эшбуриев У.Р.	Қишлоқ жойларда бандликка кўмаклашувчи давлат ташкилотлари фаолиятини тартибга солишнинг самарали ташкилий-иқтисодий механизмлари.....	174
Мансурова Н.Ш.	Самарқанд вилоят меҳнат бозори ривожланишининг ижтимоий-иқтисодий кўрсаткичлари таҳлили.....	183
<p>МИНТАҚА ИҚТИСОДИЁТИ РЕГИОНАЛЬНАЯ ЭКОНОМИКА</p>		
Вохидова М.Х.	Эркин иқтисодий худудларда замонавий усулларни қўллаш зарурияти.....	190
Kotov V.A.	Methodological issues of establishing and functioning of innovation growth centers as the regional economy as regional economy drivers.....	195
Ташмухамедова Д.А.	Худудий ривожланишни бошқаришнинг молиявий масалалари.....	200
<p>ИҚТИСОДИЁТДА АХБОРОТ ТИЗИМЛАРИ ИНФОРМАЦИОННЫЕ СИСТЕМЫ В ЭКОНОМИКЕ</p>		
Арипов У.Б.	Ўзбекистонда электрон тижоратни ривожланиш истиқболлари.....	206
Обилов М.Р.	Аҳолининг иқтисодий фаоллигини оширишда рақамли технологиялардан фойдаланиш.....	215
Саидов Ф.Ф.	Корпоратив бошқарувда веб технологиялардан самарали фойдаланиш.....	220
<p>ҚИШЛОҚ ХЎЖАЛИГИ СЕЛЬСКОЕ ХОЗЯЙСТВО</p>		
Топилдиев С.Р.	Мамлакатимизда аграр секторни янада ривожлантиришда экспортни роли.....	223
Таженова Г.Е.	Ўзбекистонда қишлоқ хўжалик маҳсулотлари экспортини молиялаштириш: замонавий ҳолати, муаммолари ва такомиллаштириш йўллари.....	226
Закимов А.М.	Қишлоқ хўжалигида кооперацияни ривожлантиришнинг институционал ёндошуви.....	231
Имомов Ж.О.	Қишлоқ хўжалигида маҳсулотларнинг жаҳон бозоридаги рақобатбардошлигини баҳолаш услуги.....	235
<p>РЕКРЕАЦИЯ ВА ТУРИЗМ РЕКРЕАЦИЯ И ТУРИЗМ</p>		
Бакаев З.Т.	Ички ва кирувчи туризмни иқтисодий самарадорлигини баҳолашнинг методик асосларини такомиллаштириш.....	242
4-сон 2020 Мирзаев А.Т.	Турист-рекреация хизматлар бозорида бошқарув тизимини ривожлантириш истиқболлари.....	247

шувчи консалтинг ва сервис хизматлари, инфратузилмалар етарли ривожланмаганлиги билан изоҳлаш мумкин.

Экспортчи корхоналар, фермер хўжаликлари ва хусусий тадбиркорлик субъектлари маҳсулотларининг жаҳон бозорларидаги рақобатбардошлигини таъминлашда куйидаги чора-тадбирларнинг амалга оширилиши муҳим:

- экспортни давлат томонидан қўллаб-қувватлаш механизмларини янада ривожлантириш;

- экспорт қилувчи корхоналарга маҳсулот тайёрлаш ва сотиш харажатларини камайтиришда қўмаклашиш;

- уларни ташқи бозор конъюнктурасидаги ўзгаришлар, истиқболли бозорлар, рақобатчилар тўғрисида маълумотлар билан таништириш;

- транспорт-коммуникация тизимларини ривожлантириш ва янги транспорт йўлакларини очиш орқали транспорт харажатларини камайтириш;

- иқтисодийнинг барча жабҳаларида рақобатдош ва илм талаб инновацион маҳсулотларни ишлаб чиқаришга мўлжалланган халқаро стандартларни жорий этиш;

- халқаро стандарт талабларига мос равишда сифат устидан назоратни жорий этиш;

- Ўзбекистон Республикасининг хорижий мамлакатлар билан савдо - иқтисодий ва молиявий ҳамкорликларни янада кучайтиришга эришилади.

Хулоса ўрнида юқоридагилардан келиб чиқиб айтиш жоизки, аграр соҳани ривожлантиришга қаратилган фармон ва қарорлар, ҳукуматимиз томонидан соҳага берилаётган доимий эътибор ва иқтисодий имтиёзлар, фан ва техника ютуқлари ҳамда илғор энг сўнгги технологияларни амалиётга жорий этиш жаҳон бозорида рақобатбардош маҳсулотларни кўпайишига ва соҳада экспорт ҳажмини ошишига олиб келади.

Манба ва фойдаланилган адабиётлар руйхати:

1. Ўзбекистон Республикаси Президенти Ш.М.Мирзиёевнинг Олий мажлис қонунчилик палатаси ва сенатига мурожаатномаси 2020 йил 24 январ.

2. Ўзбекистон Республикаси Президенти Ш.М.Мирзиёевнинг 2017 йил 7-февралдаги ПФ-4947 сонли 2017-2021 йилларда Ўзбекистон Республикасини ривожлантиришнинг бешта устувор йўналишлари бўйича "Ҳаракатлар стратегияси"

3. Ўзбекистон Республикаси Иқтисодий вазирлиги маълумотлари 2018 йил.

4. Ўзбекистон Республикасининг 2035 йилгача ривожланиш Стратегиясининг концепцияси. 2019 йил 18 май. <https://knp.uz>

5. БМТ Озиқ-овқат ва қишлоқ хўжалиги ташкилоти (ФАО) томонидан тайёрланган ҳисобот - Европа ва Марказий Осиёда озиқ-овқат хавфсизлиги ва овқатланиш соҳасидаги ишларнинг аҳоли, ишчи гуруҳининг таҳлили 2018 йил.

ЎЗБЕКИСТОНДА ҚИШЛОҚ ХЎЖАЛИК МАҲСУЛОТЛАРИ ЭКСПОРТИНИ МОЛИЯЛАШТИРИШ: ЗАМОНАВИЙ ҲОЛАТИ, МУАММОЛАРИ ВА ТАКОМИЛЛАШТИРИШ ЙўЛЛАРИ

**Таженова Гулбахор Есбосиновна -
Тошкент давлат аграр университети
Нукус филиали, мустақил изланувчи**

Аннотация: Қишлоқ хўжалик маҳсулотлари экспортини ривожлантириш Ўзбекистон Республикасининг экспорт салоҳиятини оширишнинг зарурий шартларидан бири ҳисобланади. Шу сабабли, Ўзбекистон Республикаси қишлоқ хўжалигини ривожлантиришнинг 2020-2030 йилларга мўлжалланган Стратегиясида 2030 йилга қадар қишлоқ хўжалик маҳсулотлари экспорти ҳажмини кескин ошириш, яъни 20 млрд. АҚШ долларига етказиш вазифаси қўйилган[1]. Бу эса, ўз навбатида, қишлоқ хўжалик маҳсулотлари экспортини молиялаштириш амалиётини такомиллаштириш заруриятини юзага келтиради.

Ушбу мақолада республикамизда қишлоқ хўжалик маҳсулотлари экспортини молиялаштириш амалиётини такомиллаштириш билан боғлиқ бўлган муаммолар аниқланган ва уларни ҳал қилишга қаратилган илмий тақлифлар ишлаб чиқилган.

Таянч сўзлар: кредит, субсидия, фоиз ставкаси, ҳужжатлаштирилган аккредитив, банк кафолати, инфляция, валюта курси, экспорт, қишлоқ хўжалик маҳсулотлари, давлат бюджети, бонификация.

Аннотация: Развитие экспорта сельхозпродуктов является одним из обязательных условий повышения экспортного потенциала Республики Узбекистан. Поэтому, в Стратегии развития сельского хозяйства Республики Узбекистан на 2020-2030 годы предусмотрено существенное увеличение экспорта сельхозпродукций, т.е. до 20 млрд. долларов к 2030 году. А это, в свою очередь, обуславливает необходимость совершенствования практике финансирования экспорта сельхозпродуктов.

В статье выявлены проблемы, связанных с совершенствованием практике финансирования экспорта сельхозпродуктов в республике и разработаны научные предложения, направленных на решение этих проблем.

Ключевые слова: кредит, субсидия, процентная ставка, документарный аккредитив, банковская гарантия, инфляция, валютный курс, экспорт, сельскохозяйственные продукты, государственный бюджет, бонификация.

Annotation: The development of agricultural exports is one of the prerequisites for increasing the export potential of the Republic of Uzbekistan. Therefore, the Strategy for the Development of Agriculture of the Republic of Uzbekistan for 2020-2030 provides for a significant increase in agricultural exports, i.e. up to \$ 20 billion by 2030. And this, in turn, necessitates improving the practice of financing the export of agricultural products.

The article identifies problems associated with improving the practice of financing the export of agricultural products in the republic and develops scientific proposals aimed at solving these problems.

Key words: credit, subsidy, interest rate, documentary letter of credit, bank guarantee, inflation, exchange rate, export, agricultural products, state budget, bonification.

Кириш. Илғор хориж тажрибаси кўрса-тадики, қишлоқ хўжалик маҳсулотлари экспортини молиялаштириш амалиётини такомиллаштириш қишлоқ хўжалик маҳсулотлари экспортини ривожлантиришнинг зарурий шартларидан бири ҳисобланади. Бу эса, қишлоқ хўжалик маҳсулотлари экспортини молиялаштириш амалиётини такомиллаштириш билан боғлиқ бўлган муаммоларни аниқлаш ва уларни ҳал қилиш йўлларини ишлаб чиқиш заруриятини юзага келтиради.

Айни вақтда, Ўзбекистон Республикасида қишлоқ хўжалик маҳсулотлари экспортини молиялаштириш амалиётида бир қатор долзарб муаммолар мавжуд. Ана шундай долзарб муаммолардан бири бўлиб, тижорат банклари томонидан қишлоқ хўжалик маҳсулотлари экспорти бўйича очилган ҳужжатлаштирилган аккредитивларни жами аккредитивлар ҳажмидаги салмоғининг жуда кичиклиги (3,5-4,0%) ҳисобланади. Бундан ташқари, тижорат банклари кредитларининг фоиз ставкаларини юқори эканлиги қишлоқ хўжалик маҳсулотлари экспортини молиялаштириш амалиётига нисбатан салбий таъсирни юзага келтирмоқда.

Мавзуга оид адабиётлар шарҳи. В. Малийнинг фикрига кўра, қишлоқ хўжалик маҳсулотлари экспортини молиялаштиришда уларни суғурталашни давлат томонидан молиявий қўллаб-қувватлаш муҳим ўрин тутди. Бунда, қишлоқ хўжалиги ишлаб чиқарувчиси суғурта ташкилоти билан суғурта шартномаси тузади ва суғурта мукофоти суммасининг 50 фозини тўлаб беради, қолган 50 фозини давлат тўлаб беради [2].

В.Малийнинг ушбу хулосаси Ўзбекистон учун муҳим амалий аҳамият касб этади. Фермерларнинг рентабеллик даражаси нисбатан паст бўлганлиги сабабли қишлоқ

хўжалик маҳсулотлари экспорти суғуртаси харажатицинг ярмини давлат томонидан қоплаб берилиши уларнинг экспорт салоҳиятини оширишга хизмат қилади.

С.Короткова, Ю. Ткач, Е.Шкарупа, П.Переходов, Ж.Скофт, У.Динкельберглар томонидан амалга оширилган тадқиқотларнинг натижалари кўрсатдики, қишлоқ хўжалиги экспортини кредитлаш самарадорлигини таъминлашнинг зарурий шarti бўлиб, тижорат банклари томонидан экспортни молиялаштириш мақсадида берилган кредитларнинг фозини бир қисмини давлат томонидан қоплаб берилиши (бонификация) ҳисобланади [3].

А.Гавриловнинг хулосасига кўра, экспортни молиялаштиришни такомиллаштириш йўналишлари бўлиб қуйидагилар ҳисобланади:

- экспортни молиялаштириш давлат ва хусусий капитални ўзида мужассам этган тизимга асосланиши керак;

- халқаро иқтисодий ташкилотлар билан ҳамкорликни кучайтириш;

- экспортёрларни ахборот ва консалтинг қўллаб-қувватлаш институтини яратиш;

- экспорт кредитларини суғурталаш агентлигини ташкил этиш;

- экспортёрларнинг транспорт харажатларини субсидиялаш [4].

Ўзбекистонлик иқтисодчи олимлардан Э.Шодмонов ҳужжатлаштирилган аккредитивлардан аграр соҳа корхоналарининг экспорт-импорт операцияларини молиялаштириш мақсадида фойдаланиш кўламини кенгайтиришни таклиф қилган [5].

И.Алимардоновнинг фикрига кўра, кичик бизнес субъектларининг (шу жумладан, аграр соҳада фаолият юритаётган кичик биз-

нес субъектларининг) ташқи савдо фаолиятини кредитлаш амалиётини такомиллаштириш учун уларнинг ҳужжатлаштирилган аккредитивлар воситасида амалга оширилган тўловларини тижорат банкларининг муддатли ва овердрафт кредитлари ҳисобидан тўланишини жорий қилиш керак [6].

Таҳлиллар ва натижалар. Ўзбекистон Республикасида қишлоқ хўжалик маҳсулотлари экспорти ҳажмини ошириш давлат иқтисодий сиёсатининг устувор йўналишларидан бири ҳисобланади. Шу сабабли, қишлоқ хўжалик маҳсулотлари экспорти ҳажмини ошириш учун зарур бўлган шарт-шароитларни яратиш, шу жумладан, қишлоқ хўжалик маҳсулотлари экспортини молиялаштириш амалиётини такомиллаштиришга алоҳида эътибор қаратилмоқда.

Ўзбекистон Республикаси Президентининг 2019 йил 29 июлдаги ПҚ-4406-сонли "Қишлоқ хўжалиги маҳсулотларини чуқур қайта ишлаш ва озиқ-овқат саноатини янада ривожлантириш бўйича қўшимча чора-тадбирлар тўғрисида"ги қарорига мувофиқ, 2019 йил 1 августдан бошлаб қишлоқ хўжалиги маҳсулотини экспорт қилувчиларнинг маҳсулотни сертификатлаштириш бўйича харажатлари «Ўзстандарт» агентлигининг асослантилган ҳисоб-китобларига мувофиқ Ўзбекистон Республикаси Инвестициялар ва ташқи савдо вазирлигининг Экспортни рағбатлантириш агентлиги томонидан қоплаш;

- Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувват-

лаш давлат жамғармаси маблағлари ҳисобидан миллий валютада, қиймати 10 миллиард сўмдан ошмайдиган миқдордаги, Ўзбекистон Республикаси Марказий банки қайта молиялаштириш ставкасининг 1,5 бараваридан ошмайдиган фоиз ставкасида жалб қилинадиган кредитлар бўйича - 5 фоизли пункт миқдорда; хорижий валютада, қиймати эквивалентда 10 миллиард сўмдан ошмайдиган миқдорда жалб қилинадиган кредитлар бўйича - тижорат банклари томонидан белгиланган фоиз ставкасининг 40 фоизи, аммо 4 фоиздан ортиқ бўлмаган миқдорда фоиз харажатларини қоплаш учун компенсация бериш тартиби жорий қилинди[7].

Ўзбекистон Республикаси Вазирлар Маҳкамасининг 2019 йил 23 февралдаги 163-сонли қарори билан тасдиқланган "Мева-сабзавот маҳсулотларини экспорт қилиш тартиби тўғрисида"ги низомга мувофиқ:

- тадбиркорлик субъектлари улгуржи савдо қилиш лицензиясига эга бўлмасдан мева-сабзавот маҳсулотлари экспортини амалга ошириш ҳуқуқига эгадирлар. Бунда якка тартибдаги тадбиркорларнинг мева-сабзавот маҳсулотлари экспорт тушумларига ягона солиқ тўлови тўланишини назарда тутувчи солиққа тортиш тартиби қўлланилади;

- экспорт қилувчи юридик шахслар мева-сабзавот маҳсулотлари экспортини дастлабки тўловсиз, аккредитив очмасдан, банк кафолатини расмийлаштирмасдан ҳамда экспорт шартномани тижорат ҳавфларидан сугурта полисисиз амалга ошириш ҳуқуқига эга;



1-расм. Ўзбекистон Республикасида экспорт ва қишлоқ хўжалик маҳсулотлари экспортининг ҳажми, млрд. АҚШ доллари [9]


- экспорт операциялари бўйича божхона юк декларацияси расмийлаштирилган санадан бошлаб тўлов муддати ўтказиб юбо-

рилган дебитор қарздорликнинг пайдо бўлиш муддати мева-сабзавот маҳсулотлари учун 120 календарь кун этиб белгиланади;

– экспорт қилувчилар экспорт контракт тузмасдан инвойс асосида мева-сабзавот маҳсулотларини Ўзбекистон Республикасининг тижорат банкларидаги ҳисобварақларига Ўзбекистон Республикаси норезидентларидан хорижий валютада банк ўтказмалари, шунингдек, хорижий ёки миллий валютадаги нақд пул маблағларини белгиланган тартибда банк кассаларига киритиш орқали 100 фоиз олдиндан тўлов олиш шарти билан экспорт қилиш ҳуқуқига эга [8].

1-расм маълумотларидан кўринадики, 2017-2019 йилларда Ўзбекистон Республикаси экспортининг ҳажми ўсиш тенденциясига эга бўлган. Аммо, қишлоқ хўжалик маҳсулотлари экспортининг ҳажми беқарор бўлган. 2018 йилда қишлоқ хўжалик маҳсулотлари экспортининг ҳажми 2017 йилга нисбатан сезиларли даражада камайган.

Республикамизда қишлоқ хўжалиги соҳасига молиявий хизматларни, асосан, Акциядорлик-тижорат “Агробанк” кўрсатади.



2-расм. АТ “Агробанк” томонидан қишлоқ хўжалиги ишлаб чиқарувчилари ва корхоналарнинг импорт операциялари бўйича ҳужжатлаштирилган аккредитивлар ва берилган кафолатлар, млрд. сўм [10]

2-расм маълумотларидан кўриш мумкинки, 2016-2018 йилларда Агробанк томонидан қишлоқ хўжалиги ишлаб чиқарувчиларининг импорт операциялари бўйича очилган ҳужжатлаштирилган ҳужжатлаштирилган аккредитивлар ва берилган кафолатлар миқдори беқарор бўлган. 2018 йилда ушбу кўрсаткич 2017 йилга нисбатан кескин пасайган.

Шуни алоҳида таъкидлаш жоизки, Агробанк томонидан таҳлил қилинган давр мобайнида қишлоқ хўжалиги ишлаб чиқарувчилари ва корхоналарининг экспорт операциялари бўйича ҳужжатлаштирилган аккредитивлар очилмаган ва кафолатлар берилмаган. Бу эса, қишлоқ хўжалик маҳсулотлари экспортини молиялаштириш амалиёти ни такомиллаштириш нуқтаи-назаридан салбий ҳолат ҳисобланади.

Маълумки, қишлоқ хўжалик маҳсулотлари экспортини молиялаштиришнинг муҳим манбаларидан бири бўлиб, тижорат банкларининг кредитлари ҳисобланади. Бироқ, тижорат банкларининг кредитлари ҳисобидан қишлоқ хўжалик маҳсулотлари экспортини молиялаштириш ҳажми кредитларнинг фоиз ставкасига боғлиқ. Афсуски, рес-

публикамиз тижорат банклари томонидан, шу жумладан, Агробанк томонидан аграр соҳаси субъектларига миллий ва хорижий валюталарда берилаётган кредитларнинг фоиз ставкалари юқори бўлиб, қишлоқ хўжалик маҳсулотлари экспортини кредитлаш ҳажмини оширишга тўсқинлик қилади.

2018 йилда Агробанк томонидан фермер хўжаликларига инвестиция лойиҳаларини молиялаштириш учун инвестицион кредитлар 60 ойгача муддатга, йиллик 22 фоиздан 26 фоизгача бўлган ставкаларда, айланма маблағларни тўлдириш учун 12 ойгача муддатга, йиллик 22 фоиздан 26 фоизгача бўлган ставкаларда берилди. Шунингдек, Агробанк томонидан хорижий валюталарда берилган кредитларнинг фоиз ставкаси ҳам нисбатан юқоридир. Масалан, Агробанк томонидан Германиянинг Ландесбанкнинг кредит линиялари ҳисобидан берилаётган кредитларнинг фоиз ставкаси 6 ойлик EURIBOR + 1,5% + 2 фоизни, Туркиянинг “Зираат” банкнинг кредит линияси ҳисобидан берилган кредитларнинг фоиз ставкаси 6 ойлик Libor + 8,75 фоизни ташкил этади [11]. Бу эса, сезиларли даражада юқори бўлган фоиз ставкаларидир.

Фикримизча, республикамызда қишлоқ хўжалик маҳсулотлари экспортини молиялаштириш амалиётини такомиллаштириш мақсадида қуйидаги тадбирларни амалга ошириш мақсадга мувофиқдир:

1. Тижорат банклари томонидан қишлоқ маҳсулотлари экспорти бўйича очиладиган хужжатлаштирилган аккредитивлар ҳажмини ошириш йўли билан мазкур экспортни молиялаштириш қўламини кенгайтириш мақсадида, биринчидан, ушбу аккредитивлар экспорт қилинаётган қишлоқ хўжалиги маҳсулотлари тўлови бўйича хорижий банкнинг хужжатлаштирилган аккредитиви мавжуд бўлган экспортёрларга очилиши лозим; иккинчидан, ушбу аккредитивлар ҳисобидан экспорт қилинадиган товарларни ишлаб чиқариш билан боғлиқ бўлган жорий харажатлар ва товарларни ташиш харажатлари молиялаштирилиши керак; учинчидан, ушбу аккредитивлардан фойдаланувчи экспортёрларнинг жорий ликвидлиги халқаро амалиётда умумэтироф этилган меърий талабдан (2,0) паст бўлмаслиги зарур.

2. Тижорат банклари кредитлари ҳисобидан қишлоқ хўжалик маҳсулотлари экспортини молиялаштириш ҳажмини ошириш мақсадида, биринчидан, экспорт қилинаёт-

ган маҳсулотлари бўйича тўлов кафолатланган қишлоқ хўжалик ишлаб чиқарувчилари ва қишлоқ хўжалик корхоналарига берилётган кредитларнинг фоиз ставкасини белгилашда кредит ва фоиз рискининг даражаларини ҳисобга олиш зарур; иккинчидан, қишлоқ хўжалик маҳсулотларини экспорт қилувчи субъектларни Марказий банк томонидан селектив кредитлашни йўлга қўйиш лозим; учинчидан, тижорат банклари томонидан берилётган мазкур экспорт кредитларини қатъий белгиланган ставкаларда берилишини таъминлаш керак (бунинг учун тижорат банклари хорижий валюталарда жалб қиладиган ресурслар қатъий белгиланган ставкага эга бўлиши керак).

Мазкур таклифнинг амалиётга татбиқи қуйидаги натижаларни беради:

- қишлоқ хўжалик маҳсулотларини экспорт қилувчиларнинг банкларнинг экспорт кредитларидан фойдаланиш даражаси ошади;

- тижорат банкларининг экспорт кредитлари билан боғлиқ бўлган кредит рисқи даражаси пасаяди;

- экспортчи аграр субъектлар учун фоиз рисқи сезиларли даражада пасаяди.

Манба ва фойдаланилган адабиётлар:

1. Ўзбекистон Республикаси Президентининг 2019 йил 23 октябрдаги ПФ-5853-сонли Фармони. Ўзбекистон Республикаси қишлоқ хўжалигини ривожлантиришнинг 2020 - 2030 йилларга мўлжалланган стратегиясини тасдиқлаш тўғрисида// Қонун ҳужжатлари маълумотлар миллий базаси. 24.10.2019 й., 06/19/5853/3955-сон.
2. Малий В.А. Анализ системы страхования сельскохозяйственных рисков с государственным участием и меры по ее совершенствованию//Известия КГТУ. – Калининград, 2018. – №50. – С. 187-188.
3. Короткова С. Н., Ткач Ю. Б. Кредитование как одно из направлений финансирования сельского хозяйства в условиях членства в ВТО и санкций//Материалы международной научно-практической конференции «Аюшьевские чтения. Финансово-кредитная система: опыт, проблемы, инновации» и др. – Иркутск: НИЦ «Апробация», 2016. — С. 124–130; Шкарупа Е. А., Переходов П. П. Кредитование сельского хозяйства: особенности, проблемы, тенденции развития//Региональная экономика: теория и практика. — 2015. — № 44. — С. 52–56.; Scott J.A., Dinkelberg W.C., Dennis W.J. Credit, Banks and Small Business – the New Century – Washington: NFIВ Research Foundation, 2003. – 96 p.
4. Гаврилов А.А. Совершенствование механизма финансирования экспорта в России//Национальные интересы: приоритеты и безопасность. – Москва, 2011. – С. 39-48.
5. Шодмонов Э.Ш. Ўзбекистонда аграр ислохотларни чуқурлаштиришда банклар фаоллигини оширишнинг асосий йўналишлари. Иқт. ф.н. илм. даражасини олиш учун ёзилган диссертация автореферати. – Тошкент: БМА, 2005. – 22 б.
6. Алимардонов И.М. Кичик бизнес субъектларини кредитлашнинг услубий ва амалий асосларини такомиллаштириш. И.ф.д. илм. дар. ол. уч. тақд. эт. дисс. автореф. – Тошкент, 2018. – Б. 29.
7. Ўзбекистон Республикаси Президентининг 2019 йил 29 июлдаги ПҚ-4406-сонли "Қишлоқ хўжалиги маҳсулотларини чуқур қайта ишлаш ва озиқ-овқат саноатини янада ривожлантириш бўйича қўшимча чора-тадбирлар тўғрисида"ги қарори//Қонун ҳужжатлари маълумотлари миллий базаси, 31.07.2019 й., 07/19/4406/3496-сон.
8. Ўзбекистон Республикаси Вазирлар Маҳкамасининг 2019 йил 23 февралдаги 163-сонли қарори. Мева-сабзавот маҳсулотларини экспорт қилиш тартиби тўғрисида"ги низомни тасдиқлаш тўғрисида//Қонун ҳужжатлари маълумотлари миллий базаси, 25.02.2019 й., 09/19/163/2663-сон.
9. Ташки иқтисодий фаолият. Статистик бюллетень, 2020. www.statuz (Ўзбекистон Республикаси Давлат статистика қўмитаси).
10. АТ "Агробанк"нинг баланс маълумотлари. www.agrobank.uz
11. Кредит хизматлари. www.agrobank.uz (Агробанк).